

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), člana 23. Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23) a u skladu sa Programom utroška finansijskih sredstava, sa razdjela 11 – Ured premijera, budžetska organizacija 01, potrošačka jedinica 0001, ekonomski kod 614000, pozicija „Tekući transferi i drugi tekući rashodi“, Budžeta Zeničko-dobojskog kantona za 2023. godinu, broj: 02-11-6072/23 od 13.04.2023. godine, na prijedlog Ureda premijera, Vlada Zeničko-dobojskog kantona, na 24. sjednici, održanoj dana 15.06.2023. godine, d o n o s i

ODLUKU

**o odobravanju sredstava učenicima generacije osnovnih i srednjih škola
u Zeničko-dobojskom kantonu za školsku 2022/2023. godinu
iz Programa utroška finansijskih sredstava sa razdjela 11 – Ured premijera, budžetska
organizacija 01, potrošačka jedinica 0001, Budžeta Zeničko-dobojskog kantona
za 2023. godinu, pozicija „Tekući transferi i drugi tekući rashodi“**

Član 1.

(Predmet)

Odobravaju se sredstva u iznosu od 51.500,00 KM (slovima: pedesetjednihiljadaipetstotina konvertibilnih maraka) učenicima generacije osnovnih i srednjih škola u Zeničko-dobojskom kantonu za školsku 2022/2023. godinu iz Programa utroška finansijskih sredstava sa razdjela 11 – Ured premijera, budžetska organizacija 01, potrošačka jedinica 0001, Budžeta Zeničko-dobojskog kantona za 2023. godinu, pozicija „Tekući transferi i drugi tekući rashodi“.

Član 2.

(Analitika konta)

Odobrena sredstva iz člana 1. ove odluke isplatit će se iz Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23), sa razdjela 11, Ured premijera, budžetska organizacija 01, potrošačka jedinica 0001, ekonomski kod 614200, subanalitika (BCD201), pozicija „Tekući transfer za posebno nadarene i talentovane mlade“.

Član 3.

(Uplata sredstava)

(1) Odobrena sredstva iz člana 1. ove odluke isplatit će se na transakcijske račune učenika osnovnih i srednjih škola, u iznosu od 500,00 KM (slovima: petstotina konvertibilnih maraka) po učeniku.

(2) Maloljetnim učenicima isplata sredstava će se izvršiti na transakcijske račune roditelja odnosno staratelja.

(3) Isplata sredstava će se izvršiti na osnovu dokumentacije i spiskova dostavljenih od strane Ministarstva za obrazovanje, nauku, kulturu i sport – Pedagoškog zavoda.

Član 4.

(Realizacija Odluke)

Za realizaciju ove odluke zadužuju se Ured premijera, Ministarstvo za obrazovanje, nauku, kulturu i sport - Pedagoški zavod i Ministarstvo finansija, svako u okviru svojih nadležnosti.

Član 5.
(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-9806/23

Datum, 15.06.2023. godine

Z e n i c a

PREMIJER
po ovlaštenju

Dženana Čišija

DOSTAVLJENO:

1x Ured premijera,
1x Ministarstvo za obrazovanje, nauku, kulturu i sport,
1x Ministarstvo finansija,
1x Ured za borbu protiv korupcije,
1x „Službene novine Zeničko-dobojskog kantona“,
1x a/a.